



Darko Uremović, predsjednik Upravnog odbora

Kad smo započeli naš akademski projekat naši motivi nisu bili samo profinane prirode. Projekat je bio sam po sebi izazov, jer se činilo da je uvođenje modela savremenog američkog koledža i reformskog evropskog univerziteta nemoguća misija u bosansko-hercegovačkoj stvarnosti. Motivisala nas je potreba da se mladoj generaciji u BiH pruži alternativa. Motivi studiranja, učenja i sticanja humanog i poslovnog kapitala kroz težak i uporan rad devalvirani su ratnim i poratnim nasljeđem. Čini se da je lakše špekulisati ili otići u inostranstvo. Imati diplomu je u percepciji jednog dijela mlade generacije postalo kontraindikacija uspjehu u životu.

S druge strane i mladi ljudi koji se odluče na put sticanja znanja konstantno su bili obeshabreni niskom efikasnošću studija, zastarjelim programima, konzervativnim akademskim okruženjem.

Mi mislimo da su mladi ljudi u BiH jednako talentovani kao i mladi ljudi bilo gdje u Evropi ili Americi. Zašto ne bi postigli američku ili evropsku prolaznost, zašto naše diplome ne bi mogle da budu nostrifikovane, zašto mladi ljudi ne bi vidjeli svoju budućnost u svojoj zemlji?

Naša misija je da pokušamo da pružimo takvu alternativu. Da sa ostalim istomišljenicima u akademskoj zajednici ostvarimo projekat univerziteta kao kreativnu radionicu autorskog tima sposobnog da preuzme odgovornost za vlastite rezultate. Autorski tim koji smatra da osim motiva ličnog sticanja postoje i ključne vrijednosti altruizma, tolerancije, rada i učenja, te društvene odgovornosti upravljačkog, političkog i akademskog establišmenta za vlastita djela u našim lokalnim i širim zajednicama, ali i u našem susjedstvu. Ravnopravani članovi tog tima su naši studenti, koji su svojim radom dokazali da navedene vrijednosti još uvijek žive.

Naša društvena misija je dakle da obrazujemo buduće lidere sposobne da kreiraju održivu društvenu, ekonomsku i tehnološku strategiju države, te da vrednujemo ljudske resurse koji će uspješno da kvalifikuju mladu akademsku generaciju da se suoči sa svojim građanskim i ekonomskim okruženjem i izazovima budućnosti.

Stoga je naša sadašnja i buduća alumna dio mreže optimizma, poslovnog uspjeha, kreativnosti i vjere u budućnost.